

朕曩時聞大燈正傳挑在師之室下詔迎師入內密參垂語受其示誨有年于茲矣得師印證之後欲以國師稱之未遂其志遺道風於北闕輯德化於西京本體如然靈光定大人妙用也蓋例在日之旨以特賜之號稱之爲

圓滿本光國師云爾

天文十九年二月七日

御押

大休國師門徒等

後平城帝本有圓成國師徽號宸翰

朕召本光國師而參得關山祖拈得底本有圓成之公案得大機大用而今當祖忌二百年勅謚本有圓成國師以酬恩報德云爾

弘治三年三月十二日

微笑塔下

大休號

宗休首座需別稱命之曰大休仍頌以爲證云

千峯勢到嶽邊止萬派聲歸海上收林下何曾換朝市縱經塵劫不回頭

永正元年十一月日 前大德特芳叟

住正法山妙心禪寺山門疏

東山雪嶺和尚製

正法山妙心禪寺山門欽奉 北闕綸旨敦請前第一座大休禪師住持本寺爲國開堂演法

祝贊皇圖萬安者右伏以法社擇師海棠多甘棠少學徒克己初節易晚節難久厭見賈浮圖忽欣逢佳衲子共惟新命堂上大休大禪師舌走霹靂眼空乾坤虛堂稱慧海航心涵千古洋嶼爲法門鼎名重諸方迺祖行道獅獅象旋後昆與家鳳毛麟角教養禪府蚤檢永明百卷書棒雨喝雷晚佩臨濟三要印疑慈氏之下兜率賴輪王之化閻浮張蒼佐漢呂尚相周來赴勝會阜陶歌虞奚斯頌魯仰祈丕圖謹疏 今月 日疏 知事比丘 頭首比丘 勤奮比丘 西堂比丘

同門疏

慧峯湖月和尙製

同門茲審正法山妙心禪寺適虛主席特降 綸命起大休禪師於德雲精舍以補處於是昆季乎法系者聞此盛舉不堪忻抃胥率製疏從史厥駕云德雲相見別峯有水皆月虛堂徧歷諸老誰家不春寧曰知識難逢其奈學者多惑共惟新命妙心大休大禪師精神矍鑠手段輕頑面壁得髓達磨拈華接大乘於赤縣頌古垂示雪竇落草評百則於碧巖窺孔章之玄觸衛瘴之毒牀角七八尺藤杖寒時閣梨熱時閣梨擔頭一兩枝梅花者箇行李那箇行李商量南方佛法勃興東海兒孫未墜先宗是謂本色住鳥寺一巡罵祖宜急度生到鼇山連聲叫兄莫如同志

永正龍集丙子春三月 日疏

前大德宗恕

前妙心惠樹

前妙心宗緒

前妙心玄訥

前廣嚴永資 知慶 宗諗  
前大德宗棟

住駿州大龍山臨濟禪寺山門疏

駿州路大龍山臨濟禪寺山門欽奉大檀越源府君嚴命敦請靈雲大休大禪師住持本寺爲國開堂演法祝贊 皇圖萬安者右伏以虎丘振臨濟之正宗警西華山五千偃駿河出圓通於安倍冠東海道十四州人待境境待人聖希天天希聖共惟新命堂上大休和尚大禪師名喧宇宙語帶煙霞吾師三門開堂說法第一智慧第一曾祖四月入寺住山八十行脚八十紫伽梨涵影禁池鳥跋華現瑞濁世靈雲山頭古月仰之彌高洛陽城裏秋風思不能忘美哉率陀五鳳修造宜也方丈大龍蟠居邦君負弩而前驅府主作疏以敦請文至歐蘇禪至妙喜得百世師俗若成康壽若高宗祝萬乘主謹疏 今月 日疏 知事比丘 頭首比丘 勤奮比丘

臨濟寺殿用山玄公大禪定門十三年忌拈香 就駿州臨濟寺修忌

前臨川江心西堂 天龍寺三秀院

這箇於過去則號沈水佛度生梅早而白分身之身法報應化於現在則稱香春佛出世杏晚而紅無說之說利塵熾然凡同凡聖同聖方自方圓自圓梅檀世界梅檀如來煒煒煌煌于東國土蘆荀叢林蘆荀圍繞鬱鬱葱蔥于西竺乾本來無染至理絕詮燕卻之酬師恩者供養春日知識秋日知識插向之祝聖壽者逢著香山大仙雪山大仙江南螺甲以爲淺俗吳中鸚斑

猶是腥羶法從空處起人向鼻端參或時轉大法於九衢紅塵裏材收佛宮餘工有子來助或時取沈材於一燧黃雲邊功德具足八百芬芳遍大千薰籠字字相凝寫出鷲嶺文龍宮藏滿爐縷縷不絕織成鷄足彌熊耳棉冷笑趙宋善神几上現九代祖泥視匡廬法師社中集十八賢一雨普霑大根大莖大枝大葉諸漏已盡非木非空非火非烟將謂趙州柏樹元來崑崙蘭荳看看用山大禪定門憑這一炷薰力脫卻三界蓋纏直處與密教教主拔苦王同坐斷華臺寶蓮舉香云信手拈來無別物大龍山裏大龍涎娑婆世界南瞻部洲大日本國駿河州居住大功德主源朝臣義元天文十有七年三月十有七日伏值臨濟寺殿用山玄公大禪定門一十三白遠忌之辰預就于大龍山集繙流修白業彫刻大日覺王尊像者一軀法華妙典頓寫漸寫印寫若干部水陸妙供圓通妙懺各一會英檀自書壽量一品且演出十如是於十首和歌以筆墨成佛事者可尙矣自餘作善詳于僧官宣讀今當散筵嚴備香華燈燭茶菓珍饈謹命現前清衆同音諷演究竟堅固無上神咒之次拜請靈雲堂上大和尚陞座說法兼副命小比丘承薰焚這乾陀羅耶供養本師釋迦牟尼大覺世尊東方藥師醫王善逝西方無量壽佛今日教主大日如來當來下生彌勒尊佛文殊普賢二菩薩現座道場觀音大士六道能化地藏願王西天東土歷代傳法諸祖開山七朝國師日本國內大小神祇天界地界冥府冥官各各駢駢等所集殊助奉爲大禪定門莊嚴報地滅除往愆茲承大禪定門年未而立易寶之日讓國於英檀賢弟維時禍難起蕭牆一日之中一戰而霸措國家於泰山安於是乎營仁祠而山號大龍寺扁臨濟夜禪晝誦淨侶之勤修者不知其員昔破庵與松源同出密庵門爲一

門二甘露，破庵一傳至圓照，三傳至佛國國師，四傳至正覺國師，松源道至正法師祖五世，其昌爾來，此兩派濫觴于大唐，彌綸于大倭，建法幢，施法霈者不遑枚舉，蓋英檀創建當寺之始，勸請吾先國師爲開山祖，以其先定光寺殿慕佛國道風，而師其迹者也，有所以哉，加之，大禪定門，與正法師祖異代同諱，僉曰甚奇，甚特，且復大原禪師爲龍山山主，晨鐘暮鼓，禮樂一新，月斧雲斤，輪奐盡美，頃日山門佛殿落成，施修鳳手，修造住持，說法住持，二難相并，今日適際，此忌辰，而禪師傳英檀嚴命，拜靈雲老師，陞座普說，山野亦附驥尾，作蛙鳴，累世通家，左右逢源，了先師未了因緣者乎，桃花餘上巳，風景於今朝，宜也，說法使靈雲和尚師子吼後，木犀吐雙徑，塢天香於三月，耐亂道令圓照遠孫野干鳴先，慚根慚根，共惟臨濟寺殿用山大禪定門，才色兼麗，忠孝兩全，今川之出源氏嫡流也，旻伽河信度河，縛芻河，徒多河之衆水，不足窺其涯，溪用山之承清和後裔也，普賢山仙人山，白塔山，負重山之奇峯，何敢望厥層巖，澄之不清，清之不濁，仰之彌高，鑽之彌堅，子房是英，淮陰是雄，可輔金卯赤帝，趙昌之花邊鸞之雀，不屑畫工黃筌，高枕者遠，江州水聲近聽，凭欄則浮島原，山色遙連，善御乘夜白逸群，盡爲王良，闔國好駿馬，平生臂海青，敏捷常笑，景升登臺呼鷹，鶴事美一時，語流千載，道光九野，德載八埏，談兵合吳合孫，孫子孟子，吳子論語，與家有文，有武，武王春王，文王元年，華胄燁燁，瓜瓞綿綿，牡丹海棠，不名馳溫國，年少譽芝蘭，玉樹鍾秀，擬謝家風，流煽難兄難弟，成行鴻鴈，曰朋曰友，盈座貂蟬，地連三河之魏，景移八境之虔，振起秦範，範政之先緒，熟讀定家，家隆之遺編，曼卿豪於歌，歐陽豪於文，太白豪於詩，歌詞妙絕，芳聲藉藉，胡照得其骨，韋誕得其筋，索靖得其

肉，骨格超越，筆勢翩翩，遊藝則効薛嵩蹴鞠，學射則勝羿氏控弦，匪啻整三代禮樂，矧又執一世威權，獻治安策，著勳業，鞭河南河北，從者無南無北，關東關西歸者自東自西，清見渴台星照臨，雕輪啣軋，宇度濱天人降下，羽衣翩躚，駐之無叫，莫要去莫要去之鸚鵡，勸之有呼，不如歸，不如歸之杜鵑，烟光凝淺，問之嶽頂，橋聲報安倍之市郎，草木禽獸借恩光，草木之主也，禽獸之主也，芻蕘雉兔沐寵渥，芻蕘者往焉，雉兔者行焉，偉哉，威孫有後乎，魯魯矣，昭王致士於燕，胸中自有丘嶽，公餘多愛林泉，五郎易之六郎，昌宗望清標於玉座，一人道安，半人鑿齒，引繩徒於門扇，修隣好而以投木李，以報瓊玖，貴淳風之不剪茅茨，不斲采椽，雖云比蓋世成功之項羽，可惜似不幸短命之顏淵，去後木枯之森，深秋寂寞，至今田籠之浦，佳月嬋娟，三城帳屬昇平夢，一曲鈴關，悵望心，因懷公居幕府，萬里春從，逐客來，十年花送，佳人老，不圖吾赴齋筵，願言居易歸兜率，胡爲裴休生于闔，何處深林覓鷗，倭國富士，入金華學士之句，者風顛漢拏，虎臨濟老師，倡黃檗先師之禪，與其觀夢幻泡影，曷若挑廣續普聯，此山接本色住持，揭示妙門，流通正法，當處呵歷代諸祖，掃蕩直指，拂散單傳，論什麼默時說，說什麼談，什麼偏中正，中偏，向陰陽不到處，會父母未生前，了理上工夫，事上工夫，依稀陸互見，普願成棒，下正覺，喝下正覺，睥睨韓愈參大顛，頓消衆罪霜露，直領自己山川，也太奇也太奇，蹈倒鑊湯爐炭，不動一步，勿可把勿可把，打破地獄天堂，不勞一拳，濁世現烏鉢，虛空駕鐵船，正與麼時，香嚴童子出來，妙語芳鮮，曰如上所說，不如棄捐之，大禪定門受用三昧底，不可以言宣，洒洒落落，雖本分歸田，卽今感英檀孝心，向此法會象，取回旋，絲之無量化菩薩，挹袂拍肩，山野瞻仰，旃讚

歎旃以小祇夜一篇。

木人淚落暮春天，光景雖遷物不遷，聽麼燒香無譜曲，松風聲度十三絃。

景川和尚三十三回忌香語

松岳和尚

那伽三十有三年，舌上龍泉衝斗躔，莫道先師無此語，黃鸞啼破綠楊煙。

和松岳和尚韻

相國寺恕西堂

伊陽隔洛幾多年，仰見德星今聚躔，一雨過時百花發，春風吹起鷓鴣煙。

### 圓滿本光國師見桃錄卷之四 終

大正九年十二月十日印刷  
大正九年十二月十五日發行

【國譯禪宗叢書】 第拾卷

編輯者兼

東京市神田區錦町一丁目十六番地  
國譯禪宗叢書刊行會

右代表者


宮下軍平

印刷者

東京市神田區錦町三丁目一番地  
中島藤太郎

印刷所

東京市神田區錦町三丁目一番地  
神田印刷所



有所權著作

((非賣品))

### 發行所

東京市神田區錦町一丁目十六番地(二松堂書店內)

### 國譯禪宗叢書刊行會

電話神田二四七八番  
振替東京四六〇一六番

379  
12



終